

湖北府縣志輯

通志地方志集成

卷一百一十五 (115)

中國地方志集成

湖北府縣志輯 ⑮

光緒黃岡縣志(二)

江蘇古籍出版社 ● 上海書店 ● 巴蜀書社

黃岡縣志卷之十三

知黃岡縣事合肥戴昌言編輯

人物志

列女一

范蔚宗錄鮑宣妻十七人爲列女傳後世方志因之委巷窮
瘁得與賢人君子輝煌典冊嗚呼美矣舊載節婦貞媛以千
百計類皆有疾風勁草松柏後凋之操咸豐後蛇豕縱橫民
無安堵而弱質貞性齒劍如歸卽忠臣烈士何以過之昔人
謂黃閨範整肅知禮義自守雖飢寒患難不變茲益信
節婦

明

熊谷真妻魏氏 知縣吳受妻胡氏 熊拳妻吳氏谷真歿魏

黃岡縣志

卷之十三 節婦

一

年二十四奉養舅姑壽終撫幼子拳長娶吳受女生子官受
官章拳歿於五開衛戍所其子當補伍時吳受妻胡亦寡三
孀相依爲命吳私計曰兒獨往必亡我隨兒往姑與母無託
亦必亡乃赴京陳情洪武中詔有司勘實魏胡以節旌吳以
孝義無雙旌並復其家後官章之子仁博學有文名

進士余文瑞妻周氏文瑞歿蓬髮垢面足不踰閭偶婢曝其衣
謾近男子衣立焚之

生員倪天瑞妻劉氏年二十夫歿撫孤士觀後爲諸生授徒里
中奉養備至氏年踰九十卒萬曆二十二年旌其節後十二
年並旌士觀爲孝子

舉人盧靜妻方氏年二十四夫歿氏事姑以篤孝稱守節七十
二年萬曆二十三年建坊旌表

贈參議奚世亮繼妻王氏世亮殉興化難氏時年二十二苦節
七十餘年年九十四卒後封恭人萬曆間三經存問詔建忠
臣節婦坊並附世亮之諭葬文

生員王追宣妻汪氏夫歿無子弱齡苦節年六十餘卒事間旌
表

生員曹銓妻盧氏年二十二夫歿遺孤自化方在襁褓偶鄰媼
微言挑之氏剪髮鬻指以誓卒年七十五萬曆三十六年建
坊旌之

韋體亨妻周氏生子石麟方幼體亨疾篤指老母幼子目之俄
卒氏守志奉姑孝謹撫石麟辟纊佐讀後石麟官主事氏封
安人旌表建坊

陶以憲妻王氏以憲早歿氏守節撫孤子珽成立以選貢判裕

黃岡縣志

卷之十三 節婦

二

州氏年八十餘卒

曾祿妻吳氏 魏璋妻邱氏俱年少守節養舅姑撫遺孤茹苦
終身

樊煥妻鄭氏 藍繼妻吳氏舊志稱其節久人憲綱

孝子唐治妻桂氏治死於孝氏撫孤之屏兄弟貧食勤業不忘
訓迪

魯景麟妻雷氏夫歿守志撫孤收夫遺文成帙教二子有法及
孫時明爲名儒氏年九十六卒

貢生王箕繼妻何氏年二十夫歿子鳳閣在襁褓依前子孝廉
鳳陽以居苦節四十八年卒鳳閣字都諸生都子欽濂見宦
蹟志

於伯貴妻熊氏 舉人於廷諍繼妻張氏伯貴早歿熊苦節五

十餘年壽八十孫廷諍亦早歿張守節四十餘年事聞建坊額曰完名全節

徐某妻汪氏萬曆四十二年御史趙應元疏云十九于歸未及期而良人早逝廿年守志不移時而姑舅雙亡建坊旌表

生員林廷模妻陳氏年十七適廷模未逾年廷模病劇製木主授氏而歿氏慟欲絕遂血貫雙眸事舅姑孝年五十病且死治棺自題曰復主廬命與主俱瘞其故篋中有橫江詞云日落孤帆盡江流片石危千秋明白水不逐海風吹蓋自謂也然生前無一字示人萬曆四十二年旌表建坊

袁文仕府志作文任妻王氏孝婦何氏王氏適文仕甫二載文仕性

孝友以兄冤代杖死時舅姑年皆九十遺孤希詩僅閱月氏孝養備至撫子成立萬曆三十二年下詔求民間節婦兩台

黃岡縣志 卷之十三 節婦

三

獨表王氏希詩與其婦何氏皆以孝稱王氏年八十病篤何到股救之事聞天啟四年賜坊曰節孝流芳

知縣樊玉衡繼妻余氏玉衡諡孝介有傳方歿家益貧氏勤苦奉姑能得懼心立從子維孝爲嗣一女適漢陽李應橋苦節四十餘載天啟六年詔以廉貞雙美旌之維孝亦以孝稱

賈耀妻袁氏年十四適耀二年而耀歿遺一女氏茹藥飲冰清苦萬狀迨女嫁誠曰自汝父死我眼未嘗視男人女生一世不可輕視人也年六十六卒

生員王相妻李氏年二十夫歿子崇擢僅三歲氏截髮明志食貧教子以孫用子貴受封旌表

鄭一魯妻宋氏一魯父之良爲四川副使一魯省父還至巫峽歿氏年二十一聞訃觸牆幾斃撫二孤成立長可教江夏訓

導次可訓諸生氏衣終粗麻足不踰閭卒年七十四

生員杜桂芳繼妻劉氏年二十七夫歿氏屏飾長齋撫孤琬以苦節終流寇陷城廬舍俱燼氏樞獨存人謂苦節之報

曹獻甫妻胡氏年二十二夫歿守節撫孤尋天母與兄弟欲嫁之誓死不變伶仃紡績年七十二卒

捐揮牛斗妻陶氏黃州衛指揮牛可耕母也娠三月而斗歿氏日夜禱天祈牛氏一綫不絕及可耕生覲世爵者欲害之保護備苦家益貧可耕年十五有異才陶乃指其幼時所坐草席曰此中有金可取之北上襲祖職矣後可耕子若麟成進士官御史具疏上請事聞旌表

張懷橘妻屠氏年二十五夫歿家貧更值荒亂兩子繼歿子然無依汲水負薪自給年逾七十卒

黃岡縣志 卷之十三 節婦

四

舉人曾齊賢妻余氏年二十齊賢歿撫二子成立長克明貢生次克修諸生氏苦節五十年崇禎間大學士姚明恭疏請旌

生員黃榜開妻蔡氏黃文宗妻鄧氏蔡年二十榜開歿撫遺孤文宗娶婦鄧氏逾年文宗亡生遺腹子燕裔撫之成立姑婦皆高壽人稱雙節

生員何高甫妻陳氏年十九夫歿遺腹生女相依齋素終身壽八十七卒

生員汪繼周妻王氏年二十三夫歿無子氏閉處一室自牖納饋粥年六十病將死始開關治後事焉其父家屏爲合葬於

繼周墓

宋蒙妾余氏蒙妻劉舉子女各一余無所出蒙病篤託余以子

女及蒙奴劉他適余辛勤撫育日事紡績非兩夜不休靈政嚴肅親屬莫敢窺其門踰三十年忽謂子廷琦及女曰吾不能終視若輩惟望若輩爲上流人越宿卒年五十四事載明史廷琦及其子一龍俱以孝稱

生員余大鉤妻欽氏父取爲蔚州倅贅大鉤歸黃大鉤歿氏年二十守節撫遺腹子壽七十卒

王朝文妻陳氏年二十二夫歿撫一子維繼爲諸生守節五十二年

武舉人蕭鄧侯妻王氏年二十夫歿家貧守節撫遺孤箕爲諸生事舅姑孝年逾八十卒孫之年舉

黃正存妻王氏年二十七夫歿家貧苦守撫三歲遺孤紡績自給年六十八卒

黃岡縣志 卷之十三 節婦

五

熊行之妻李氏年二十四夫歿家貧苦守孝事舅姑撫兩遺孤成立年逾七十卒次子飛熊諸生

邱九固妻劉氏夫歿子玉岡甫過歲氏矢志苦守撫孤成立年八十七卒玉岡亦以孝稱

周升岐妻王氏年二十一夫歿貧甚撫孤學易艱苦萬狀誓死不渝年逾七十卒

生員吳茂兌妻汪氏副使士瑞孫婦也年十八夫歿撫孤景星事姑以孝稱守節四十五年

生員周之誥妻曾氏夫歿無子冰節自矢年七十卒

陶荃野妻余氏夫歿無子氏守節備極艱苦事姑以孝稱撫按

屬旌之邑長史邱民心爲之傳

甚貧母家欲嫁之氏以死自誓事姑鞠幼孝慈兼盡守節五十年

熊爾興妻吳氏年二十四夫歿事繼姑孝撫遺孤文華成諸生履經寇亂艱苦全節年逾七十卒

汪晨妻趙氏年二十二夫歿遺孤應秋甫二歲氏矢志撫之奉姑舅殯葬如禮守節六十年足不踰閭壽八十二卒

生員陶旺妻姜氏年二十四夫歿撫孤守節四十四年

張凌雲妻何氏 諸生陳彭時妻阮氏俱年二十餘夫歿家貧無子孝事舅姑拮据送終窮老而卒

易明著妻汪氏明著歿氏撫嫡子女恩勤育閨下逮諸孫治家勤儉有法守節五十五年

生員易遂之妻劉氏年二十三夫歿守節撫二孤教之成立次子道位諸生

黃岡縣志 卷之十三 節婦

六

易建之妻王氏年二十四夫歿撫子道備族有利其家貧者將害孤氏辛勤保護得無恙時稱其節

易道敏妻趙氏年二十七夫歿書篋外無長物撫孤紡績自給寇焚其廬百折不渝卒年五十一

生員易爲經妻柴氏年二十九夫歿遺瞽子及一女子天氏苦節以終女適方姓罵賊以烈死

易明晉妻陳氏 易儀之妻董氏妾陳氏 易道端妻應氏人稱三世四節

易明序妻葉氏 易偲之妻蕭氏 易明占妻王氏 易傳之妻余氏俱姑婦雙節

易念之妻段氏妾郭氏段與郭共撫庶子以嫡庶雙節稱

易依之妻陳氏 易從之妻陶氏 易道新妻周氏俱年少守

節撫孤

陶雍妻邱氏 陶以陽妻徐氏 陶瑗妻戴氏 陶世儒妻蔡

氏 陶思魯妻魏氏 陶思仁妻熊氏俱年少守節

生員王之經妻鄒氏年二十三夫歿撫孤成諸生尋天氏挈一

老婢獨處樓上守節四十餘年卒

生員陳繼善妻林氏年二十五夫歿守節撫孤夫兄弟欲嫁之

氏刺目矢志值寇亂備閱艱險卒興家道撫二子士閔肇遠

俱諸生卒年六十七

舉人魏師田妻靖氏師田歿於京邸氏依父科元避寇小崎山

科元闔家死氏藏石窟得免撫幼子成立守節四十餘年卒

靖天錫妻萬氏錫歿於小崎兵難氏年十九攜孤必純得脫又

黃岡縣志

卷之三

節婦

七

遺腹生子嘉植氏教之成立俱諸生

生員蕭璧妻李氏年二十二隨璧避難璧罵賊死賊偪氏不屈

挺刃交加無完膚賊去越三日復甦苦節四十年撫孤邦符

成諸生

易明徵妾羅氏明徵及妻俱歿遺孤僅五歲氏撫之艱辛備至

伯氏利其產將害孤羅籍產付之丐餘以活孤長乃大會族

里收產而還

陶克順妻甘氏克順從戎麻陽死氏年二十四止一女誓死守

志事姑孝年七十四卒

易岷生妻楊氏年二十二夫歿生子甫歲餘氏誓守紡績自給

撫孤成立年八十卒

同知何世遠妻羅氏世遠歿於桂林無子羅扶櫬還楚涉險五

千餘里途遇盜鏹其棺殺其僕羅身護之亦被重傷閱盡艱辛始得歸葬苦節以終

晏霽明妻樊氏副使維城女博通書史霽明隨父清歿於鬱林

氏扶柩越崎嶇數千里得歸葬焉自是長齋誦佛書苦節而

死嘗爲文祭夫有曰子孫同稻蟹之無遺夫姑已若敖之不

食孤忠淪落撫時而泣文山未亡飄零逢人而思范式風鳴

鶴唳孀舅獨竄蒼梧瘴雨蠻烟離魂誰歸赤壁邑人哀之

萬五玉妻張氏幼明大義夫歿無子氏毀容自矢撫從子年鼎

爲嗣教誨方嚴守節三十年年鼎諸生能守氏教有傳

陳季昌妻萬氏夫亡守節明末攜子道平避賊許子灘爲賊追

及氏奮投江中有物承之浮流十里得免道平得舟亦濟漢

陽熊伯龍爲撰奇節記

黃岡縣志

卷之三

節婦

八

贈文林郎王追驛妻程氏年二十八夫歿值寇亂三幼孤各隨

乳母逃散氏傾囊求之旣而皆得課子禮師能承其家苦節

四十二年

生員姜璽妻徐氏夫歿無子依女以老守節五十年壽七十七

卒

生員樊玉衢繼妻張氏夫歿三子俱幼氏茹苦撫而教之後維

城成進士維鼎維忠俱諸生守節三十餘年卒

生員何昌祖妻樊氏年二十七夫歿誓死撫二女遺嫁畢獨棲

一樓三十年以全節稱

生員王憲伯妻王氏年二十二夫歿守節撫子女各一事姑孝

姑病刲股進之愈後子女俱夭斃子以終卒年八十四

生員鄭季良妻余氏年二十九夫歿守節事姑孝撫二孤成名

長一洪舉人官知縣次一灝諸生年八十五卒

朱光坤妻易氏無子苦節依從子以居閉室誦經不見一八年

六十九卒

何呂祥妻王氏昌祥歿無子氏終身衰經閉居一室三十餘年

一日櫛笄扃戶而死

王學任妻甘氏年二十八夫歿守節事姑孝撫孤子成立卒年

六十二

生員易學汾妻王氏賢而有勇年二十二避亂遇寇氏抱子持

槍連刺三賊得脫比歸學汾已歿苦節撫其子康時以文行

稱康時妻死撫其子德宣及成立而歿氏與德宣妻方復撫

其曾孫慕會方守節年六十二卒王年九十九卒及慕會亡

其妻馮氏無子守節康時門人王道明爲立三節傳見府志

黃岡縣志

卷之三

節婦

九

生員曹激揚妻葉氏崇禎十六年流賊陷城激揚殉難氏青年

矢志苦節四十餘年卒年七十

據採訪補入

國朝

陶光先妻劉氏年二十光先歿氏勤紡績養姑撫子苦節五十

年順治九年建坊

劉三重妻魏氏年二十二夫歿無子刺目自誓依兒子紡績爲

活守節四十餘年順治間建坊

生員陳天球妻陶氏讀書知大義年二十天球歿無子事姑張

氏朝夕相依與姒劉紡績自給守節五十八年足不踰閭康

熙二十八年建坊

知縣王欽濂繼妻陳氏舉人王承啟妻杜氏陳年二十七欽

濂歿撫二歲孤承啟苦志訓迪承啟舉於鄉尋卒婦杜氏年

二十四遭孤懋德甫八月茹荼飲血養姑教子後懋德成進
士官知縣陳守節五十六年杜守節四十年康熙二十九年
以雙節建坊

鄧顯奇妻劉氏年二十五夫歿截髮矢志敬事舅姑撫一子成

立卒年八十二雍正元年建坊

李又白妻徐氏年二十二夫歿遺孤孔瑞氏訓之極嚴遇嫡姪

和而有禮守節四十餘年雍正元年建坊

宋正元繼妻邱氏年二十三夫歿撫前子曲盡母道奉舅姑孝

守節三十餘年雍正四年建坊

生員邵之瑜妻方氏監生邵先陟妻宋氏方年十六之瑜歿

撫遺腹子先陟復早亡一孫光祖甫五歲其婦宋氏年二十

五守志方以憂慟寢疾十七年宋百計調護及歿拮据營姑

黃岡縣志

卷之三

節婦

十

如禮教子光祖成立還貢有文名雍正四年以姑婦雙節建

坊

修職郎王時聖妻陳氏年二十六夫歿子道明甫七齡家貧舅

姑俱八十餘伯氏老病無子皆仰給於氏氏守義孝養自啖

糠粃歲大饑食且盡道明拾遺金歸氏不視令覓其主還之

教子以明經官訓導年五十三病革指所坐木榻曰吾苦守

廿餘年但對此無愧耳端坐而逝雍正四年建坊

生員魏裕淵妻段氏年二十四夫歿遺孤永楷氏矢志苦守紡

績養姑撫子成立卒年五十一雍正四年見坊

鄭可榮妻龍氏年十九夫歿守節事舅姑以孝聞夏逆之亂舅

病弗能起比里皆逃氏侍湯藥不忍離撫孤雲燕爲諸生持

家勤儉嫺戚貧乏者周之雍正五年建坊

陳位一妻熊氏年二十夫歿無子守節事舅姑孝舅姑卒未葬值夏逆亂所居一里河爲往來孔道氏獨依柩不去撫嗣子經才爲諸生勤儉自給時出貲以周鄉里雍正七年建坊

夏同霖妻蔡氏夫歿守節撫孤克保成立姻娣皆早寡氏持家有法待諸從子如已出同居四十年內外和睦無間雍正七年建坊

王漢杰妻張氏夫歿氏矢志守節孝舅姑撫週歲孤懋蘭勤苦備至年五十四疾篤懋蘭剖股以進延三月乃卒懋蘭副榜雍正八年建坊

生員李元龍妻胡氏元龍以才幹兄知總制蔡毓榮從征洞庭陣亡氏遺僕李望扶輓歸見血衣慟幾死懋之閨中日夜號泣斷髮誓志操作勤苦二子槐及崇義俱幼教之成立咸里

黃岡縣志

卷之三

節婦

十一

婚葬無力者助之崇義副榜氏守節五十年卒雍正八年建坊

孫維嘯妻樊氏年二十四夫歿氏孝養舅姑教子士謀爲名諸生值山寇竊發居民爭走氏以舅姑未葬號哭不忍去旣免

歸葬有枯柏復榮之祥子亡又撫二孫之煒天祿俱成名苦節六十二年卒其元孫承暉娶陶氏年二十歸三月寡撫遺

腹子守志人謂能繼樊節樊以雍正九年建坊

生員方應張妻周氏年二十三夫歿守節有欲奪其志者斷指以誓子介甫六月撫之成立介輕財好義有稱孫可榮可觀

俱明經氏年六十六卒雍正十一年建坊

劉翔妻楊氏年二十一夫歿撫遺腹子夢趙教之成立持守端

嚴締造辛苦守節三十年卒雍正十一年建坊

喻順澤妻夏氏年二十二夫歿撫孤人悅成立姑年九十餘氏孝養及歿哀毀盡禮守節二十九年卒雍正十一年建坊

孫自融妻杜氏年二十三夫歿氏事祖舅以孝稱教二子維翰廣瑞成名守節三十四年雍正十二年建坊

陳來蘇妻江氏年二十三夫歿家貧無子立從子爲嗣守節四十五年雍正十三年建坊

陳可麟妻王氏雍正十三年建坊

邵光國妻張氏光國應試墮水死氏迎尸殯畢慟絕數四撫遺腹子成立奉姑盡禮守節三十七年乾隆元年建坊

程逢泰妻龍氏年二十五夫歿家貧教二孤甚嚴事舅姑盡禮守節五十五年乾隆元年建坊

吳之深妻虞氏年二十五夫歿家貧勤紡績以撫三孤守節三十三年乾隆二年建坊

黃岡縣志

卷之三

節婦

十一

曾承輩妻何氏年十六適曾甫八月夫歿無子守節撫嗣子履

泰成立卒年八十一乾隆二年建坊

胡生奇妻汪氏生奇歿一子復天撫從子爲嗣守節三十六年

乾隆三年建坊

鄭洪勳妻秦氏年二十五洪勳歿撫七月孤教之成立守節三十一年乾隆四年建坊

鄧光國妻鄧氏年二十五夫歿家貧紡績以奉舅姑撫孤鵬成

立爲諸生守節三十九年乾隆四年建坊

舒其彩妻徐氏年二十九夫歿撫孤學韶成立守節四十四年

乾隆四年建坊

舉人陳大華妻顧氏年二十五大華歿嫡早亡無子氏撫嗣子

乾隆四年建坊

舉人陳大華妻顧氏年二十五大華歿嫡早亡無子氏撫嗣子

師斌登賢守節四十年乾隆四年建坊

王家勳妻陳氏 王之統妻陳氏家勳歿陳年二十五撫二孤

成立長之統早亡婦陳氏年二十四與姑共撫孤孫姑守節

五十二年婦守節三十五年俱乾隆四年建坊

程熾祚妻朱氏 程基統妻余氏朱年二十熾祚歿撫遺腹子

基統既歿室復亡婦余氏年二十三無子同姑矢志朱守節

四十七年余守節三十一年俱乾隆四年建坊

生員劉隆禮妻朱氏幼時父柩在堂鄰火延及氏撫棺號哭火

遂反年二十七隆禮歿遺孤甫兩月氏矢志守節姑病目日

節之日復明教子芳熹以道嘗拾遺金斥棄之芳熹亦以孝

稱氏守節三十一年乾隆四年建坊

陳光濟妻張氏年二十六夫歿遺子士昆甫三歲居敝廬中盜

黃岡縣志 卷之三 節婦

無儲粟勤苦教子後士昆舉於鄉氏守節五十九年乾隆四

年建坊

秦琢成妻馮氏年二十六夫歿家貧守節事姑孝撫從子爲嗣

年六十八卒乾隆四年建坊

陳起龍妻藍氏年二十六夫歿家貧矢志鞠育孤子成立其從

子少孤氏亦撫如己子未幾從子天氏復撫其從孫守節三

十五年乾隆四年建坊

生員鄒一標妻龔氏年二十七夫歿家貧苦節撫孤之駿成名

卒年七十三乾隆四年建坊

謝其恩妻李氏 謝如鈞府志作宏材妻高氏姑婦也俱青年夫歿

撫孤守志乾隆四年以雙節建坊

陳大鵬採訪改作程大鵬妻高氏年二十八夫歿奉姑以孝稱撫三歲

孤成立守節四十二年乾隆四年建坊 并據採訪

生員邵澄中妻張氏年二十四夫歿守節事舅姑盡禮嗣從子

光燿撫之成立年六十二卒乾隆四年建坊

蕭徵文妻李氏年二十五夫歿守節紡績不倦事舅姑盡孝二

子俱歿撫嗣孫後偉成立乾隆四年建坊

沈應晨妻吳氏 余恩渥妻曾氏 陳良佐妻胡氏 劉承祚

妻潘氏俱乾隆四年建坊

生員胡璉也妻饒氏年二十五夫歿僅遺一孤艱辛撫之守節

五十四年乾隆五年建坊

李宇極府志作朱宇極妻吳氏年二十六夫歿守節事舅繼姑以孝

稱撫四月孤成立卒年五十三乾隆五年建坊

奚祿貴妻張氏夫歿氏奉舅姑以孝稱撫二孤成立守節四十

黃岡縣志 卷之三 節婦

年乾隆五年建坊

訓導宋一俊妻胡氏年二十九一俊與嫡俱歿氏撫育嗣子守

節三十九年乾隆五年建坊

朱峙中妻陶氏年二十四夫歿氏事舅姑盡孝撫育二孤守節

四十三年乾隆五年建坊

生員王濫勳妻孫氏年二十二夫歿氏紡績事姑盡孝姑歿倍

服衰麻以代子職撫二歲孤履中爲名諸生守節三十九年

乾隆五年建坊

胡純虞妻羅氏夫早歿家貧守節撫孤乾隆五年建坊

吳璋挺妻王氏年二十六夫歿氏撫孤守節二十六年乾隆五

年建坊

靖必昂妻黃氏 靖必昱妻祝氏黃年二十一必昂歿無子氏

事姑孝嗣從子本誠撫之成立祝年二十必昱歿無子氏事舅姑孝撫從子本誥爲嗣黃守節三十二年祝守節三十三年俱乾隆五年建坊

高一申妻易氏年二十一夫歿撫從子爲嗣飢寒勞瘁清操獨

茂卒年六十餘乾隆五年建坊

鄭璉妻丁氏年二十七夫歿氏事舅姑孝撫二子成立守節二十七年卒乾隆五年建坊

楊介曉妻劉氏年二十五夫歿氏撫孤成立舅病足氏事奉盡

禮守節三十五年乾隆五年建坊

曹本洪妻陶氏年二十夫歿到面自矢事繼姑孝撫從子爲嗣

守節三十一年乾隆五年建坊

夏帖申妻楊氏年二十七夫歿矢志撫孤守節三十年乾隆五

黃岡縣志

卷之十三

節婦

主

年建坊

生員李天柱妻孫氏年二十三夫歿遺一子一女艱辛撫之守

節三十八年乾隆五年建坊

王克俊妻龍氏 蕭徹文妻李氏俱乾隆五年建坊

陳道洙妻梅氏年二十二夫歿以從子爲嗣守節三十九年乾

隆六年建坊

歐陽秩妻何氏年二十五夫歿孝事衰姑撫孤成立守節三十

二年乾隆六年建坊

生員孫光錫妻劉氏 孫自怡妻張氏劉年二十二光錫歿家

貧矢志撫孤自怡甫授室尋夫婦張氏年二十同始矢志撫

孤人龍成立劉守節五十七年張守節四十年俱乾隆七年

建坊

潘二有妻聶氏年二十五夫歿氏泣血鳴咽死而復甦者再事姑孝紉織以養撫八月孤成立守節四十六年乾隆七年建坊

生員張瑄妻黃氏年二十六夫歿僅遺一女撫從子承洙爲嗣

守節三十五年乾隆七年建坊

生員孫惟翰妻李氏年二十四夫歿撫二孤成立守節二十六

年乾隆七年建坊

王嗣可妻樊氏年二十四夫歿撫五月孤時翁教之成立守節

五十四年乾隆七年建坊

湯德治妻王氏年二十八夫歿氏養姑撫子守節三十六年乾

隆七年建坊

劉隆業妻李氏年二十九夫歿氏孝養衰姑撫子成立守節五

黃岡縣志

卷之十三

節婦

六

十三年乾隆七年建坊

樊齊文妻陳氏夫歿守節撫孤勤苦經營置祭田以奉祀臨

歿屬子孫曰善守此田鬻者不孝乾隆七年建坊孫廣居諸

生

朱蓋興妻彭氏年二十四夫歿撫從子爲嗣家貧居一茅廬母

家有諷以難守者氏號泣遂終身不歸苦節三十四年乾隆

九年建坊

朱徹文妻吳氏年十九夫歿氏孝事舅姑撫孤成立守節三十

四年乾隆九年建坊

張則我妻馮氏年二十七夫歿氏事舅姑盡禮撫週歲孤成立

守節四十一年乾隆九年建坊

生員靖匡妻周氏年二十五夫歿氏奉姑孝撫從子天祐爲

嗣守節三十五年乾隆九年建坊

饒萬次妻吳氏年二十六夫歿氏撫孤成立守節三十年乾隆九年建坊

魏光瀚妻王氏年二十三夫歿氏孝事舅姑撫從子爲嗣守節三十三年乾隆九年建坊

葉日周妻張氏年二十八夫歿孝事衰舅撫從子爲嗣守節五十八年乾隆九年建坊

陳啟運妻吳氏年二十六啟運歿斷髮自誓事姑與嫡盡禮撫三歲孤金甌成立守節四十四年乾隆九年建坊

徐載寓妻湯氏 監生徐鑒妻余氏湯年二十七載寓歿氏撫二孤成立其子鑒復天婦余氏年二十六矢志養姑以從子爲嗣湯守節四十六年余守節三十七年俱乾隆九年建

黃岡縣志

卷之十三 節婦

七

坊

陳方模妻黃氏年二十二夫歿氏撫三孤成立守節五十四年乾隆九年建坊

生員童曰康妻吳氏年二十六夫歿氏孝事舅姑撫育孤子守節四十二年乾隆九年建坊

張其源妻朱氏年二十六夫歿氏孝事舅姑撫孤成立守節三十八年乾隆九年建坊

許帝簡妻陳氏年二十六夫歿撫週歲孤成立守節三十七年乾隆九年建坊

監生朱一麟妻陳氏夫歿辛勤撫孤乾隆九年建坊

許賜文妻趙氏年二十六夫歿氏事姑孝撫從子爲嗣守節四

十三年乾隆九年建坊

龍南伯妻汪氏 龍勝友妻范氏汪年二十五南伯歿氏撫孤

勝友娶范氏生子僅六月勝友歿范年二十六與姑同志撫孤汪守節四十二年范守節五十四年俱乾隆九年建坊

吳克繩妻王氏年二十一夫歿氏撫孤成立守節三十六年乾隆九年建坊

曹廷健妻汪氏 監生曹熙妻汪氏姑婦也廷健歿姑年二十四撫遺腹子熙成立尋天婦年二十五同姑矢志事姑孝撫遺孤昌璧成立姑守節四十餘年卒乾隆九年建坊婦守節亦四十餘年

李子言妻陳氏年十九夫歿遺一子辛勤撫之守節五十九年乾隆九年建坊

張曉林妻唐氏年二十八夫歿三歲孤復天氏撫從子爲嗣守節三十餘年乾隆九年建坊

黃岡縣志

卷之十三 節婦

太

胡之恂妻彭氏年二十夫歿氏孝事七旬舅姑撫育三歲孤子守節四十八年乾隆九年建坊

生員王天爵妻周氏年二十五夫歿氏孝事舅姑撫孤成立守節六十一年乾隆九年建坊

劉文台妻程氏年二十五夫歿氏奉姑孝撫孤成立守節四十九年乾隆九年建坊

雷國祿妻張氏年二十夫歿撫孤方輿成立方輿天偕婦陶氏撫孫恢先苦節三十八年乾隆九年建坊

胡德玉妻吳氏年二十九夫歿家貧氏撫育二孤守節三十八年乾隆九年建坊

沈應昇妻李氏年二十七夫歿撫從子爲嗣治家嚴肅足不踰

閩守節三十一年乾隆九年建坊

周祥仔妻林氏年二十四夫歿家貧撫孤成立復天再撫二幼

孫苦節五十二年乾隆九年建坊

程熊占妻王氏年二十二夫歿氏事姑孝撫孤大才成立守節

四十四年有孤燕巢梁之異乾隆九年建坊

甄載耜妻劉氏年二十八夫歿遺孤七歲氏奉姑鞠之守節五

十四年乾隆九年建坊

蔣穎菴妻陶氏年二十三夫歿氏紡績養舅姑撫一子尋天復

撫幼孫守節三十四年乾隆九年建坊

杜桂妻龍氏年二十三夫歿家貧守節紡績事姑撫六月孤繼

烜成立乾隆九年建坊

周則亮妻袁氏年二十五夫歿守節撫孤超凡成立乾隆九年

黃岡縣志 卷之十三 節婦

九

建坊

余敬宣妻成氏 孫廣錦妻周氏 孫有道妻歐氏俱乾隆九

年建坊

懷遠將軍馮明修妻方氏年二十九夫歿茹苦守志撫二子廵

旭成立後以廵貴

封太淑人年八十卒乾隆九年建坊

葉豐揚妻孫氏年二十八夫歿氏事姑孝撫孤成立守節三十

八年乾隆九年建坊

單從儒妻吳氏年二十六夫歿氏事姑孝撫一子復天又撫幼

孫守節六十八年乾隆十年建坊

教諭鄭昌妾鄧氏年二十六昌歿嫡亦亡子可楫幼撫之成立

子亡又撫幼孫守節四十三年卒乾隆十年建坊

張西在妻李氏年二十九夫歿家貧氏撫孤成立守節三十一
年乾隆十年建坊

方可正妻汪氏年二十五夫歿氏奉繼姑以孝稱撫從子爲嗣

守節四十二年乾隆十年建坊

齊國栢妻羅氏年二十夫歿撫十月孤成立教以義方守節五

十年乾隆十年建坊

生員詹世賓妻嚴氏年二十二夫歿撫遺腹子啟龍成諸生守

節三十四年乾隆十年建坊

孫士彬妻馬氏年二十七夫歿氏事姑撫子守節三十三年乾

隆十年建坊

生員汪維鉅妻鄭氏年二十三夫歿甘貧守志撫嗣子士澄成

立嗣天又撫孤孫苦節五十四年卒乾隆十年建坊

黃岡縣志 卷之十三 節婦

十

生員霍維源妻喻氏年二十八夫歿矢志事姑孝姑病氏侍湯

藥不倦撫孤志瀛爲諸生守節四十一年乾隆十一年建坊

桂崇妻程氏年二十二夫歿以從子承緒爲嗣守節四十三年

乾隆十一年建坊

生員胡士昂妻吳氏年二十七夫歿氏孝事舅姑撫二歲孤成

立守節四十一年乾隆十一年建坊

梅長綽妻曹氏年二十八夫歿家貧矢志事姑孝撫孤成立守

節四十二年乾隆十一年建坊

邱古璋妻童氏古璋少時母病割股救之娶氏後病歿時氏年

二十四撫遺腹子希昂成立守節三十一年乾隆十一年建

坊

郁重榮妻劉氏年二十八夫歿遺孤甫八月氏撫之成立守節

三十六年乾隆十一年建坊

李世麟妻舒氏年二十三夫歿氏撫五月孤成立守節五十五年乾隆十一年建坊

黃鉅妻沈氏年二十一夫歿事姑撫子守節四十年乾隆十一年建坊

孫仔儒妻羅氏年二十三夫歿家貧撫孤士英成名守節三十二年乾隆十一年建坊

胡啟爵妻任氏年十九夫歿勤紡績以奉舅姑撫孤紹虞成立其孫蓋八登賢書守節五十六年乾隆十一年建坊

韋鍾焜妻盧氏年二十四夫歿氏撫育孤子守節三十二年乾隆十一年建坊

生員萬信妻張氏 生員汪念祖繼妻萬氏張年二十四信歿
黃岡縣志 卷之十三 節婦 三

僅遺二女撫從子爲嗣一女適汪念祖年二十五念祖歿子與前妻子俱殤亦嗣從子撫之成立張守節四十七年萬守

節二十七年卒俱乾隆十一年建坊
張紹江妻姜氏年二十三夫歿氏奉姑孝撫三歲孤成立守節

五十一一年乾隆十二年建坊
袁心宅妻周氏年二十八夫歿氏孝事舅姑撫二孤成立守節

三十四年乾隆十二年建坊
周世輔妻李氏年二十六夫歿撫孤士佩教之讀書後士佩復

天苦節三十一年乾隆十二年建坊
朱堯儒妻周氏 朱昭茲妻柳氏周年二十四堯儒歿氏撫二

孤長子昭茲授室復天婦柳氏年二十七撫從子爲嗣周守節五十九年柳守節三十五年以雙節稱乾隆十二年同建

坊

鄭日冕妻程氏年二十四夫歿撫從子爲嗣嗣子復天氏與婦楊氏力撫孤孫守節五十一年乾隆十二年建坊

生員余光先妻朱氏年二十七夫歿氏撫三歲孤成立守節三十二年乾隆十二年建坊

王道亨妻龍氏年二十五夫歿家貧遺孤甫二歲撫之成立孝事舅姑及歿喪葬悉如禮守節三十七年乾隆十二年建坊

劉永興妻邵氏年二十二夫歿氏紡績養姑撫嗣子成立守節三十二年乾隆十二年建坊

生員程元義妻靖氏年二十一夫歿孝事舅姑撫姪爲嗣守節四十四年乾隆十二年建坊

生員張演妻陳氏年二十二夫歿氏撫四月孤甫成立病天復
黃岡縣志 卷之十三 節婦 三

撫孤孫值兩姪俱亡氏並撫其幼子女如已出守節三十年乾隆十二年建坊

生員孫鈞妻張氏年二十六夫歿無子氏孝養舅姑立再從子祚淞爲嗣舅姑歿夫弟及姊俱亡遺孤甫二歲氏撫育如己

出家貧甚朝夕莫給艱苦自立守節三十九年乾隆十二年建坊

易德順妻徐氏年二十夫歿無子氏撫從子爲嗣守節三十三年乾隆十三年建坊

生員蕭建極妻顧氏年二十七夫歿撫從子爲嗣孝事舅姑守節四十五年值火災鄰宅俱燬氏室獨無恙人以爲節孝所

感乾隆十二年建坊
周懿德妻姜氏年二十七夫歿氏撫孤成立守節五十年乾隆

十三年建坊

生員徐尙文妻陳氏年二十七夫歿氏撫二歲孤成立守節四

十一年乾隆十三年建坊

生員邱自西妻王氏年二十二夫歿兩子繼亡撫姪爲嗣守節

三十八年乾隆十四年建坊

周卜恆妻陳氏年二十夫歿無子氏矢志甘貧其兄勸再適氏

剪髮自誓終身不至兄家忍飢杜門頻死者數守節四十二

年卒乾隆十四年建坊

童昌惠妻林氏年二十五夫歿撫姪爲嗣與從娣蕭矢志不移

守節二十八乾隆十四年建坊

郭祥起妻高氏年二十二夫歿氏撫二歲孤成立守節三十一

年乾隆十四年建坊

黃岡縣志 卷之十三 節婦

三

李宗唐妻汪氏年二十六夫歿事衰舅以孝稱撫八月孤成立

守節三十四年乾隆十四年建坊

邱之進妻霍氏乾隆十四年建坊

張亮工妻馮氏年二十七夫歿遺孤繩祖尋夫兄亮彩亦歿其

子念祖幼與姒孫氏苦節撫教與斬之節婦馮雲龍母盧氏

奚孔文妻吳氏居近互以名義相勵後繩祖積學早卒復與

婦周撫孤孫卒年七十二乾隆十五年建坊

龍哲希妻李氏年十八夫歿守節事姑撫遺腹子廣材甫成立

病夭復與婦童撫嗣孫年八十卒乾隆十六年建坊

劉昌明妻梅氏年二十夫歿守節親族欲嫁之氏撻面剪髮得

免撫半歲孤成立乾隆十六年建坊

程華柏妻余氏年二十夫歿無子守節孝事舅姑立從子爲嗣

乾隆十六年建坊

顏熾妻張氏年二十九夫歿貧苦矢志事姑孝撫教七月孤喬

有文名守節四十年卒乾隆十六年建坊

梅源仁妻姚氏年二十二夫歿無子守節事舅姑盡禮撫嗣子

成立乾隆十六年建坊

夏克炯妻蕭氏夫歿無子與從娣克捷妻王氏誓死守節乾隆

十七年建坊

方思种妻王氏年二十一夫歿氏守節養舅撫過歲孤同燾成

立乾隆十七年建坊

童尙賓妻袁氏年二十一夫歿家貧矢志事舅姑盡禮撫孤成

立守節三十三年乾隆十七年建坊

副使陳大輦妻姚氏大輦卒於臺灣署中氏年二十八扶輓歸

黃岡縣志 卷之十三 節婦

五

里矢志不二嫡卒爲嫡撫二孤既孫啟謨早亡氏與其妻冷

氏同撫嗣子元忠卒年六十三乾隆十八年建坊

謝仁澂妻程氏年二十夫歿矢志守節事舅與繼姑盡禮撫遺

腹子方東成立乾隆十八年建坊

生員王燮佐妻陳氏年二十二夫歿氏矢志撫孤時既時及其

婦俱亡復撫孫錫璋成立卒年八十餘乾隆十九年建坊

孫士璋妻曹氏年二十五夫歿氏孝事姑姑卒夫弟妹俱幼氏

爲撫育有成課孤子之寅爲諸生守節三十三年乾隆二十

年建坊

汪鄰山妻甄氏年二十一夫歿氏事姑孝撫孤廷棟成立守節

三十七年乾隆二十年建坊

鄭辭魯妻陳氏年二十八夫歿守節撫嗣乾隆二十年建坊

監生謝如鑑妻靖氏年二十二夫歿守節孝事舅姑立從子仁
湛爲嗣乾隆二十一年建坊

於正宗妻王氏年二十一夫歿守節孝事舅姑撫孤蒼林尋天
復撫嗣孫士鄭乾隆二十一年建坊

史君宣妻陳氏年二十九夫歿矢志守節事舅孝旌表建坊

監生鄭祕妻王氏鄭心菊妻孫氏王年十九弟歿矢志守節

事舅盡禮撫孤心菊尋天婦孫氏年二十二守志事姑孝撫

嗣子存祖王年四十五卒孫年五十八卒俱乾隆二十四年
建坊

監生汪聯芳妻王氏年二十八夫歿守節撫孤敬運尋天與婦

王氏茹苦撫孫成立乾隆二十四年建坊

孫坦妻呂氏年二十三夫歿矢志撫孤子鐸子天撫孫祥海

黃岡縣志

卷之十三

節婦

五

成立卒年七十六乾隆二十四年建坊

龍祖輝妻鄭氏年二十三夫歿守節事姑孝撫嗣子廣智成立

年四十九卒乾隆二十四年建坊

張隆豈妻方氏年二十三夫歿守節事姑孝力置祭產二畝以

供祠祀撫孤京駿成立貢成均乾隆二十四年建坊

姜之琇妻黃氏年十九夫歿氏守志孝姑撫八月孤文灼成立

守節四十四年乾隆二十四年建坊

詹宇端妻江氏年二十八夫歿守節孝事舅姑撫三歲孤授室

而天復撫兩月孤孫乾隆二十四年建坊

汪顯祖妻龔氏年二十夫歿守節撫姪爲嗣事姑孝姑卒鄰火

發撫棺號慟風反火滅柩得存乾隆二十四年建坊

李翰妻劉氏年二十二夫歿遺一子早殤母家欲爲改適誓死

不可奪撫嗣子基榮成立乾隆二十四年建坊

黃士郊妻程氏年二十八夫歿守節孝事舅姑撫孤成立卒年

五十八乾隆二十四年建坊

童繼松妻王氏年二十七夫歿守節奉事舅姑撫孤成立年五

十三卒乾隆二十四年建坊

王必選妻周氏年二十三夫歿守節撫二孤成立年六十四卒

乾隆二十四年建坊

熊時元妻陳氏年二十夫歿守節事姑孝撫週歲孤成立年八

十六卒乾隆二十四年建坊

童繼模妻舒氏年二十五夫歿守節孝事舅姑撫孤志瑤成立

年五十七卒乾隆二十四年建坊

舒學昌妻彭氏年二十六夫歿守節奉養舅姑撫二孤成立年

黃岡縣志

卷之十三

節婦

五

五十七卒乾隆二十四年建坊

監生姜維寬妻胡氏年二十二夫歿守節事祖舅以孝稱撫孤

夢鯉能文孤天媳魏氏亦相繼亡復撫孤孫備嘗艱苦時年

八十有二侍婢貞靜相依不嫁時年六十八乾隆二十五年
建坊

黃會楷妻劉氏事姑盡孝年二十餘夫歿之嗣氏矢志守節撫

從子光國爲嗣成諸生乾隆四十一年建坊

陳貞俊妻李氏年十七夫歿之嗣姑病三載氏侍湯藥不倦後

母家憐其青年微言探之氏毀容翦髮以見志撫姪國泰爲

嗣教養成立乾隆四十一年建坊

王乃立妻靖氏年十八適王甫三月夫歿無嗣時姑患筋骨疼

痛氏扶持歷久不懈撫嗣子大文成立乾隆四十三年建坊

曾建中妻孟氏年二十二夫歿無嗣氏矢志守節奉舅姑備得歡心夫弟建鏞幼撫之成立鏞以次子爲之後乾隆四十五年建坊

姜如法妻繆氏年二十適姜閻三月夫歿時舅姑早逝夫之叔母胡氏氏事之如姑同居守節撫從子起鳳爲嗣尋天復撫嗣孫文佐成立乾隆四十八年建坊

夏克璉妻王氏年十八夫歿守節家貧日夜紡績事舅姑養策無缺舅歿鬻簪理備棺殮葬成禮姑目瞽氏多方醫治得愈撫嗣子必貴成立乾隆五十二年建坊

王廷佩妻史氏年二十三夫歿無子哀慟絕粒閉門自縊母覺破壁入救得甦奉舅姑孝撫嗣子連壽列成均乾隆五十四年建坊

黃岡縣志

卷之十三

節婦

三

李君謨妻汪氏年十八夫歿守節事舅姑以孝聞勤儉持家立胞姪文肅爲嗣撫養成立乾隆五十四年建坊

監生李可校妻童氏年二十四夫歿守節事舅姑盡孝撫二子成立乾隆五十四年建坊

汪延岳妻易氏年二十六夫歿氏欲以身殉其母勸以養姑撫孤爲孝徒死無益遂矢志苦守竭力孝養撫子于全于會成立亦克盡孝族鄰嘉之乾隆五十四年建坊

童承會妻趙氏年二十七夫歿無子哀號絕粒母秦氏諭以事老撫幼遂截髮矢志隨姑紡績姑歿盡禮撫弱叔教嗣子宜

恩成立後建坊

邱世綵妻童氏年二十八舅姑均逝夫繼亡家貧守節訓二子成立後題請建坊

生員劉晉運妻杜氏年二十三夫歿守節時訛傳富室求婚氏引刀自頸幾絕以救甦奉養舅姑撫孤隆譽中副榜卒年六十二

文林郎范維藩妻田氏年二十五夫歿守節家酷貧其功無依事舅以孝聞教子基祚力學茶苦萬狀人謂有孟母風後基祚成進士爲循吏氏受

封典年五十九卒孫曾仕宦猶守氏遺教云

文林郎王漢澳妻余氏年二十一夫歿家貧苦守撫教孤子懋績以進士官教授得膺

封典年七十卒

生員陶克讓妻詹氏年二十八夫歿無子守節事姑孝卒年五十一

黃岡縣志

卷之十三

節婦

三

州判徐尙禮妻胡氏年二十五夫歿守節撫孤時濟以武進士官守備得膺榮祿年八十卒

僉事官撫渙繼妻孫氏撫渙歿於會稽之難氏年十八矢志守節撫孤純心承隆官知縣氏年五十餘卒

舉人王用世妻田氏年二十四夫歿守節閨範清肅撫遺腹子澤霖由歲貢官瀘溪教諭氏年八十卒

王某妻沈氏未嫁婿病癩父母強令他適不聽歸於王生一女年二十二夫歿苦節以終卒年六十

生員曹世治妻張氏年二十六夫歿守節撫孤紹琦成立卒年六十四雍正間布政使徐鼎匾旌之

王尼望妻馮氏年二十二夫病氏刲股食之及歿三子繼殤氏勤苦守志養姑孝卒年六十四

生員熊養模妻熊氏年二十二夫歿守節撫教兩孤卒年六十餘布政使徐鼎匾旌之

王維邦妻舒氏年二十一夫歿家貧苦守撫三月孤成立閨範
整肅卒年六十餘

楊文炳妻劉氏 楊瑞松妻宋氏劉年二十六文炳歿矢志撫孤瑞松早天媳宋氏年二十五同姑守節撫孤事姑極孝劉年六十五卒宋哀慟而死

王基遠妻鍾氏 王銓勳妻成氏鍾年二十二基遠歿苦節撫孤銓勳早天媳成氏年二十五同姑守節撫孤永裔成立鍾卒年六十六

周國寶妻夏氏 周國棟妻陳氏姊妹也夏年二十九夫歿陳年二十六夫歿俱苦節撫孤夏年七十餘陳年六十餘卒

黃岡縣志

卷之十三

節婦

无

龍時勳妻王氏年二十四夫歿苦節撫孤孝養舅姑年八十四卒

陳滄瀛妻龔氏年二十二夫歿家貧苦節孝事舅姑年八十三卒

周國華妻瞿氏年十九夫歿家貧苦節撫遺腹孤成立年七十卒

生員宋敏功妻張氏年二十四夫歿守節立嗣撫之年四十卒
袁達士妻雷氏年十八夫歿撫遺腹子亦殤苦節以終卒年六十八

王夷和妻姚氏年二十七夫歿守節孝姑撫孤卒年八十一
涂幼澤妻呂氏年二十七夫歿家貧撫孤早天苦節以終年六十卒

成汝齡妻陳氏年二十二夫歿苦節立嗣卒年六十餘

孫徵吉妻呂氏年二十六夫歿苦節撫孤卒年七十

監生葉槐妻曹氏年二十五夫歿守節孝事舅姑卒年五十
方典時妻汪氏年二十四夫歿守節立嗣孝事繼姑卒年六十

生員孫一軌妻陳氏年十八夫歿守節立嗣卒年六十九
百戶朱元吉妻余氏年二十二夫歿撫孤守節卒年八十一
毛有昇妻李氏年二十二夫歿家貧苦節撫遺腹孤成立年六十五卒

鄒治秩妻楊氏年二十二夫歿矢志苦節子卒撫孫
黃達妻邵氏年二十七夫歿守節撫孤事姑以孝稱

邵鼎和妻王氏年十九夫歿守節撫嗣嗣天撫孫
王世浩妻祝氏年二十二夫歿苦節撫孤事姑盡孝年六十四

黃岡縣志

卷之十三

節婦

三

操士敏妻鄒氏年二十三夫歿守節孝姑撫孤卒年七十三卒

石在珩妻王氏年二十夫歿守節孝姑撫嗣子成立
操廷棟妻李氏年二十夫歿家貧苦節奉姑教子

童子位妻袁氏年二十六夫歿守節孝姑撫孤子成名
操采若妻熊氏年二十夫歿苦節撫孤卒年六十五

吳調遠妻王氏年二十六夫歿守節撫孤卒年九十四
范純炎妻袁氏年二十一夫歿苦節撫孤孝養舅姑

吳天植妻祝氏年二十二夫歿守節撫嗣子成立
齊同鏞妻吳氏年二十八夫歿家貧苦節撫二孤成立卒年七十六
孫維章妻王氏年二十夫歿守節撫孤孝養舅姑卒年五十二